

Zebarri?

U R L A T I K L A N D E T A R A

ESKORIATZA ETA LEINTZ GATZAGA / Egubakoitza / 2003ko martxoaren 28a / 118. zenbakia

KOORDINATZAILEA: Aintzane Gardoki • Durana 11 20550 ARETXABAETA • Tel.: 943 79 86 21 • Faxa: 943 77 18 54 • Posta elektronikoa: zebarri@goiena.com • Lege gordailua: SS200/99

Korrika 13 gertatzeko lanetan dabilta herritarrak

AMAGOIA LASAGABASTER

Euskararen aldeko Korrika ekitaldia egiten den bakoitzean herritarrak gertu izaten dira edozertan laguntzeko. Hala, aurten ere Korrikako ekitaldiak antolatzeko batzordea osatu dute. Taldean herriko hainbat elkarte eta eskolako ordezkariak dabilta lanean.

Otsailaren 13an egin zuen Korrika 13ko batzordeak lehenengo batzarra. Eta ordutik hona beste bi egin dituzte. Batzar horietan honako elkarte, talde eta eskolek hartu dute parte: Eskoriatzako Udalak, Gazte Asanbladak, Amuska emakume taldeak, Erretiratuena Elkarteak, Museo Eskolak, Kontzejupe Herri Ekimenak, Euskaltegiak, Jose Arana Ikastolak, Luis Ezeiza Eskolak, EHK eta EAK. Horiek guztiek gertatuko dute Korrika 13 Eskoriatzan, Axtroki Euskara Elkarteak koordinatuta.

ZORTZI KILOMETRO

Korrika 13 ekitalditik zortzi kilometro egokitu zaizkio Eskoriatzari. Leintz Gatzagatik etorriko dira lasterkariak, eta Eskoriatza-

tik pasatu ondoren Aretxabaletarantz egingo dute. Hori apirilaren 7an (astelehena) izango da. Dena espero moduan irtetzen bada, arratsaldean pasatuko da Korrika herritik, 17:30ak aldera.

Dagoeneko ia kilometro guztiak daude salduta. Erosleak, ohikoa denez, elkarteak eta ikastetxeak izan dira. Kilometro bako-

tzari 300 euroko salneurria jarri diote AEK-ko arduradunek. Dirua batzeko, baina, ekintza gehiago egin dituzte herrian. Hala, esate baterako, joan den domekan, hilaren 23an, eranskailuak jartzen ibili ziren hainbat ikastetxetako ikasleak.

Korrikako ekitaldietan gazte-txoek parte-hartze nabarmena izaten dute. Herri askotan Korrika Txikia izeneko lasterketa antolatzen dute. Eskoriatzan ere hala egin izan dute orain arte, baina aurten batzordekideek bestelako planak dituzte. Oraindik zehazteko dagoen arren, Korrika ofizialaren tarte bat gaztetxoendako gorde gura dute.

KORRIKAKO SALTOKIA

Korrika 13 heldu aurretik beste batzar batzuk egingo dituzte batzordekideek. Izan ere, oraindik hainbat ekitaldi daude antolatzeko. Apirilaren 5ean, esaterako, Gazte Asanbladak Antimilitarista Eguna ospatuko du, eta egun horretan bertan jarri gura dute Korrikako materiala saltzeko saltokia. Horren guztiaren gainean apirilaren 1ean egingo duten batzarrean egingo dute berba.

**Korrika 13
ekitalditik
zortzi kilometro
egokitu zaizkio
Eskoriatzari**

**Korrika ofizialeko
tarte bat
gaztetxoendako
gorde gura dute
batzordekideek**

MARI KARMEN ARRIETA/EUSKARA TEKNIKARIA

“Herritarrak hasi dira eskatzen, hori pozgarria da”

AINTZANE GARDOKI

Joan den urtean, uda partean, hasi ziren ibarreko euskara teknikariak lanen batzuk elkarrekin bultzatu behar zituztela eta lanean. Orain argitaratu berri dute *Idatziak* liburuxka izan da lanaren lehenengo emaitza. Aukera politik eskaintzen ditu liburuxkak.

Esaguzu zertaz den kaleratu berri duzuen liburuxka?

Sarritan zenbait gorabehera adierazteko idatzira jo behar izaten dugu, eta euskarak beldurdu egiten gaitu. Egoera horiek modu errazean eta euskaraz adierazteko ereduak jaso ditugu. Gure asmoa liburu erabilgarria eta erabilezkoa egitea izan da.

Zer eskaintzen dio herritarri *Idatziak* liburuxkak?

Esan dudana moduan, tresna erabilgarria da. Esku artean hartu eta samur aurkituko ditugu idatzi gura ditugun horiek. Batez ere, idatzi eta egoera bereziak jasotzen dira: ezkontza-gonbidapenak; urtebetetzeetako zorion agurrak; atariko auzokideei aurkezteko idatzi ereduak; batzar deiak egiteko ereduak; eta beste asko.



Eskoriatzarron artean banatuko da *Idatziak*?

10.600 ale inguru kaleratu ditugu. Eskoriatzarrondako 800 ale ditugu. Gure asmoa da liburuxka euskalgintzan dabiltzanean banatzea; hau da, ikastetxeetako langileei, Axtrokiko bazkideei eta Udaleko langileei eta zinegotziei, besteak beste. Baina horiez gain, interesa duen edonork eskatu ahal izango du *Idatziak* liburuxka kultura etxean. Dagoeneko eskoriatzarrak hasi dira eskatzen, eta hori pozgarria da.



Lurrari eusteko eustarria

Otsaileko azken astean egingo dako euri-jasek lur mugimenduak egin zituzten Eskoriatzan. Saihesbidean, Gasteizerako noranzkoan tunela pasatuaz bat, Foru Aldundiko langileek 150 kamioikada lur atera dituzte aste hauetan; guztira, 3.750 tona: “Oso lur bigun eta mugikorra denez, eustarri sendoa egiten gabiltza, hori egin ezean arazoa ez da guztiz konponduko-eta”, esan digu lanak egiten dabilen langileetako batek. Milaka tona harririk egiten dabilta eustarria, eta lanak datozen egunotan amaituko dituztela esan digute.

LABUR

Debarroko Pilota Txapelketan derbia jokatu dute

Eskoriatzako eta Aretxabaletako pilotariek elkarren aurka jokatu zuten joan den martitzenean Debarroko Pilota Txapelketaren barruan. Gazteen artean, Xpe eta Abasolo eskoriatzarrek 22-14 irabazi zieten Altube eta Kortabarriri. Nagusien mailan, berriz, Errasti anaiek 22-14 irabazi zieten Gracia eta Errarte eskoriatzarrei. Ekainean jokatu da Elgoibarren txapelketako finala. Eskoriatzarren entrenatzaile Joseba Iñurategik denboraldi ona egiten dabilzala esan digu.

TELEFONO JAKINGARRIAK

ESKORIATZA	
Udaltzea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

BESTELAKOAK	
Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak	112

OHARRAK

HELDUENDAKO IPUIN KONTAKETA

Gaur, egubakoitza, Jacquelin de Barros uruguaiarrak helduendako ipuinak kontatuko ditu HUHEZIKo Fakultateko areto nagusian, 22:30ean.

ALDAIPE ELKARTEAREN BATZAR OROKORRA

Bihar, zapatua, Aldaipe elkarteko kideek batzar orokorra egingo dute kultura etxean, 16:00etan.

UDALEKUETARAKO BEGIRALEAK

Uztaileko udalekuetan begirale izan gura duenak oraindik badauka izena emateko aukera.

AXTROKIRENAGENDA

KORRIKA 13: BATZARRA

Datorren apirilaren leian batzarra egingo dute Korrika 13 batzordeko kideek Euskal Txokoan, 18:00etan. Eta apirilaren 5ean Korrikako produktuak jarriko dituzte salgai.

BERTSO AFARIA

Xanti Iparragirrereren omenez bertso afaria egingo dute gaztetxean

AINTZANE GARDOKI

Joan den asteko alean Xanti Iparragirrereri omenaldia egingo diotela esan genuen, baina, lehenengo eta behin, esandako batzuk zuzenduko ditugu: antolatzaileek esan ziguten Maialen Lujanbio, Sustrai Colina eta Xabier Silveira izango zirela bertso afarian, baina arazoren bat egon da, eta, hala, Xabier Silveira, Harkaitz Estibalez eta oraindik zehazteko dagoen hirugarren bertsolari bat ibiliko dira herriko gaztetxean bertsoan.

Xanti Iparragirrereri 22 urteren ondoren herrira itzuli zenean omenaldi beroa egin zioten herritarrek: "Izan ere, orduetik dator Xantiren omenez bertso afaria egiteko ideia. Bertso gintzan eta euskararen alde lan izugarri handia egingo da Xanti, eta herritarrok merezi duen omenalditxo egin gura diogu; eta oraingoan, gainera, bertsoan", esan digu Kontzejupe herri plataformako kide Lore Díaz de Gereñuk.

"Bertsogintzan eta euskararen alde lan izugarri handia egingo da Xanti"

Kontzejupe herri plataformak antolatutako omenaldia trikitioarekin hasiko da. 20:00etan Herriko Plazan elkartuko dira omenaldian parte hartuko duten herritarrek; gero, 21:30ean bertso afaria egingo dute gaztetxean. Plataformako kideek prestatuko dute afaria gaztetxean bertan. Entsalada, txuleta eta postrea izango dituzte afaltzeko. Bertso afarira joateko txartelak salgai daude ohiko tabernetan eta Adeli paper dandan. Omenaldian parte hartzera gonbidatu gura ditu herritarrek Kontzejupe plataformak.



Oraingoan, Xantiri bertsoan egingo diote omenaldia lagunek.

ARTXIBOA



Kiroldegiko tabernan geroago eta jende gehiago

Joan den otsailaren 21ean zabaldu zuen Marian Cubillo eskoriatzarrak kiroldegiko taberna. Marianek esan digu ez duela esperientziarik taberna kontuetan, baina oso gustura dabilela. Kiroldegiak duen ordutegian, hau da, 10:00etatik 21:00etara, izaten du Marianek taberna zabalik: "Geroago eta jende gehiago etortzen da tabernara. Kirola egin ondoren etortzen dira asko, baina kaletik kafe edo ardo bat hartzera etortzen direnak ere geroago eta gehiago dira", dio Marianek. Horra, hortaz, ogitarteko gozoak edo kafea hartzeko beste aukera bat gehiago herrian. /A.G.



EDURNE



ESTETIKAN
ESPEZIALIZATUTAKO
ZENTRUA

Aranburuzabala 42
Tel.: 943 71 51 54
ESKORIATZA

Elektroterapia.

ESKORIATZA

Tfno 714345



MENDIOLA

Bazkari eta afariak

Astelehenetan itxita
ESKORIATZA

OTZETA TABERNA • JATETXEA

- Eguneko menua
- Palter konbinatuak
- Bokadiluak
- Pintxuak



Aranburuzabala 7. Tel.: 943 71 51 90 ESKORIATZA

Museoaren proiektuaren barruan txertatu dituzte Labidea eta Turismo Bulegoa

AINTZANE GARDOKI

Gaur, egubakoitza, inauguratuko dituzte Labidea denda berria eta Turismo Bulegoa. Hain zuzen ere, Aitziber Gorosabelek eta Amaia Olabek kudeatuko dituzte Gatz Museoa eta haren barruan txertatu dituzten Labidea denda eta Turismo Bulegoa.


Trikiti doinuekin eta kale animazioarekin inauguratuko dituzte gaur, egubakoitza, Labidea denda eta haren ondoan dagoen Turismo Bulegoa, 18:30ean.

Labidea dendak 35 m² ditu eta Turismo Bulegoak, 29 m². Edozelan ere, inaugurazioa gaur izango den arren, datorren martitzenean, hau da, apirilaren 1ean, irekiko dituzte ateak. Astegunetan 09:00etatik 13:00etara, eta 16:00etatik 20:00etara egongo dira bulegoa eta denda zabalik eta zapatuetako eta domeketako ordutegia, berriz, 11:00etatik 14:00etara eta 16:00etatik 20:00etara bitartekoa izango da.

KULTURA ETA TURISMOA ABIAPUNTU

Gatz Museoko proiektuaren barruan kokatu dituzte Aitziberrek eta Amaiak bai Labidea denda eta bai Turismo Bulegoaren kudeaketa: "Turismo Bulegoan Gatzagaren gaineko informazioa banatuko dugu, herria leku turistikoa gisa bultzatzea dugu-eta helburu. Momentu honetan txoko eta ibilbide ugari batzen dituen eskuorri ugari ditugu zabaltzeko. Debagoienean beste leku interesgarri asko dago ezagutu eta ikusteko. Beste herri batzuetako turismo bulegoekin harremana estutuko dugu, gure herria eta ibarra ezagutarazteko", esan digu Amaia Olabek.

"Momentu honetan txoko eta ibilbide ugari batzen dituen eskuorri ugari ditugu zabaltzeko"



Bisitariari, museoaz gain, beste elku batzuk ikusteko aukera emango zaio.



Amaiak eta Aitziberrek kudeatuko dituzte denda eta Turismo Bulegoa.

Gatz Museoari dagokionez, berriz, geroago eta bisitari gehiago jasotzen ditu: "Orain dela hiru bat urte hasi ginen bisitaldi gidatuak eskaintzen. Udan jende gehiago ibiltzen da, baina geroago eta bisitari gehiago ditugu. Edozelan ere, ahal dugun neurrian gure eskaintza hobetu behar dugu. Aurrerantzean bisitari partikularrei eta taldean datozeinei, museoa bisitatzeaz gain, Dorleta Santutegia eta herria bisitatzeko aukera eskainiko diegu, besteak beste", esan digu Aitziberrek. Kultura eta turismoa bultzatu guran Labideak ere badu bere betebeharra: "Lehenago ere izan dugu denda Gatzagan, baina oraingoan beste zerbait eskaini gura dugu", esan digu Amaiak.

"Lehenago izan dugu denda, baina oraingoan beste zerbait eskaini gura dugu"

AITZIBER GOROSABEL/LABIDEAKO ETA INFORMAZIO BULEGOKO KUDEATZAILEA

"Proiektu hau aurrera ateratzea erronka pertsonal moduan hartu dut"

AINTZANE GARDOKI

Aitziber Gorosabelek eta Amaia Olabek kudeatuko dituzte gaur inauguratuko dituzten Labidea denda eta Turismo Bulegoa. Gu Aitziberrekin egon gara horretaz berbetan.

Zer dela eta hartu duzu zure gain ardura hori?

Urte bi pasatu dira museoan lanean hasi nintzenetik, eta oso gustura ibili naiz. Herriari zerbait emango diogula pentsatzeak ere animatu nau. Dena dela, proiektu hau aurrera ateratzea erronka pertsonal

moduan hartu dut. Amaiak, 30 urte lanean ibili ondoren, dena utzi eta ilusioz hartu du proiektua. Hortaz, ilusioa eta lanerako gogoa ez zaizkigu falta.

Kultura eta turismoa bultzatzea duzue helburu?

Herri honen geroa turismoan oinarrituta dago, nire iritziz. Gure nahia herria ezagutzera ematea da, jendea etor dadila herria, gure museo eta gure inguruak ezagutzera. Horri erantzuteko gertu gaude.

Zer eskainiko du Labideak?

Esan dudan moduan, turismoari lotutako dena izango da, eta egun-



karia eta ogi egin berria edukitzeaz gain, edozein etxetan behar diren gauzak izango ditugu. Kafea eta pintxo ederrak ere eskainiko ditugu egunero. Eta umeek, orain ez bezala, litxarrerriak izango dituzte aukeran.

Horrez gainera, Jakion enpresako produktuak, Lur Lan enpresako produktuak eta artisautzako lanak ere izango ditugu salgai Labidean: zeramika, otarrak, bitxiak...

Bisitariendako izango da, hortaz, Labidea?

Bisitariendako bakarririk ez, guk herritarrei ere eman gura diegu zerbaitua. Badakigu herritarrek ez dituela gurean egingo asteko erosketak, baina, bestalde, beste produktu batzuk erosteko aukera emango diegu, edo kafetxoa hartzeko aukera. Horrez gainera, herritarrek egiten dizkiguten eskaerei erantzuteko gertu gaude.

aroztegia
Leintz

Aingeruguardako ibilbidea
Tel.: 943 71 49 36
ESKORIATZA (Gipuzkoa)


- Sukalde altzariak egiten ditugu
- Armairu enpotratuak
- Neurri bereziak

Ze barri?

Izan zaitez zeu ere berriemaile!

Zure taldearen, auzoaren, elkartearen...
gaineko informazioa emateko, deitu gurer!

943 79 86 21



ASENSIO jantzi denda
HAURRAK umeendako arropa
LEINTZ ROSSI mertzeria
MARI KARMEN oinetakoak
PAGALDAI opariak

UDABERRIRAKO ETA UDARAKO BEHAR DUZUNA

GRUPO RKUZ

1950-2003

Zure etxea da




Araba etorbidea 20
Tel./Faxa: 943 79 23 51
ARETXABALETA



Araba Etorbidea 5
Tel./Faxa: 943 79 41 82
ARRASATE



Mitarte 3
Tel./Faxa: 943 77 04 55
ARETXABALETA



Andramari auzunea 1
Tel./Faxa: 943 79 10 97
ARETXABALETA

